

**Motivacioni govor i konsultacije sa mladima u okviru platforme "Dijalog za mlade" Goražde, srijeda,
27. mart u 19:00h**

Regionalni program lokalne demokratije na Zapadnom Balkanu 2 (ReLOaD2) sa zadovoljstvom najavljuje događaj za mlade koji ima za cilj inspirisati, motivisati i podstaći mlade širom Bosne i Hercegovine na postizanje novih dostignuća! Uz finansijsku podršku **Evropske unije, Razvojni program Ujedinjenih nacija (UNDP)** organizuje "Dijalog za mlade" u okviru kojeg će mladi imati priliku da poslušaju motivacioni govor Tomislava Cvitanušića i učestvuju u konsultacijama za mlade. Dijalog za mlade će biti održan u **Gradu Goražde u srijedu, 27.3.2024. godine sa početkom u 19:00h u Gradskoj upravi, III sprat (sala Gradskog vijeća)**

Tomislav Cvitanušić poznati je maratonac, triatlonac i alpinista iz Bosne i Hercegovine, koji će mlade povesti na nezaboravno putovanje kroz izuzetne životne podvige. Tomo nije samo uspješan sportista već i dobitnik brojnih priznanja. Uz sve što će vam predstaviti, Tomislav će vas motivisati da istražite svoje granice i ostvarite sjajne lične rezultate.

Nakon motivacionog govora, planirane su konsultacije sa mladima sa ciljem identifikacije problema za kreiranje omladinske inicijative koja će biti realizovana tokom 2024. godine.

Platforma "Dijalog za mlade" dio je **Regionalnog programa lokalne demokratije na Zapadnom balkanu 2 (ReLOaD2)**, koji pruža mladima priliku da identificiraju potrebe, izazove i neiskorištene potencijale, te da zajednički predlože inicijative za unapređenje kvalitete života u našoj lokalnoj zajednici. Ovaj dijalog nije samo razmjena ideja - to je korak ka aktivnom uključivanju u kreiranje bolje budućnosti. Poslužit će kao prostor na kojem će mladi moći izraziti svoje stavove o potrebama i prioritetima koje imaju.

Ovo je prilika da se povežemo, naučimo i inspirišemo zajedno! Za potvrdu učešća molimo vas da popunite prijavni obrazac na linku: [Prijava na učešće u motivacionim govorima \(google.com\)](https://www.google.com)

Pozivamo sve zainteresirane mlade i predstavnike medija da nam se pridruže i budu dio pozitivnih promjena.

Za medijske upite, kontaktirajte nas putem telefona +387 65 323 011, Emina Hukić, službenica za komunikacije u ReLOaD2.